



Inatsisartunut ilaasortaq
Vivan Motzfeldt, Siumut

**Siunnersortinik avataaneersunik sulisunillu nunani allani najugaqartunik
atuineq pillugu § 37 naapertorlugu apeqqummut nr. 248-mut akissut**

Brevdato: 18-12-2017
Sags nr. 2017 - 24181

Siunnersortinik avataaneersunik sulisunillu nunani allani najugaqartunik atuineq pillugu
Inatsisartut suleriaarianni § 37 naapertorlugu Naalakkersuisunut apeqquteqarputit.
Siunnersortinik avataaneersunik sulisunillu nunani allani najugaqartunik atuineq pillugu
§ 37 naapertorlugu apeqqut nr. 231-mut akissutip malitsigisaatut apeqqut
saqqummiunneqarpoq.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Akissut matuma kingulianiippoq.

**1. Akissuteqaateqaatigineqartumi Takussutissiaq 1-imi siunnersortinut
aningaasat atorineqartut naalakkersuisoqarfikkaarlugit
titartaganngorlugittakussutissiorneqarneranni, uku
paaserusuppakka:**

- i. Aningaasat taakku atorineqartut qassit
Nunatsinniangerlarsimaffeqartunut siunnersortinut
atorineqarpat? Qassillu Nunatta avataani
angerlarsimaffeqartunut siunnersortinut atorineqarpat?**
- ii. Paasissutissat taakku
naalakkersuisoqarfikkaartumikimmikkoortinneqarnissaat
kissaatigaara, kisitsisinngorlugillu apuunneqarnissaat
kissaatigalugu – titartaganngoritserusuttut namminneq
titartaganngortitsiumaarmata.**

Aallarniut

Tulliuttuni »sulisut avataaneersut«-nik taagorneqartut tassaapput inuit nunap
killeqarfiata avataani najugaqarlutillu suliffeqartut (matuma kinguliani najugaqarfimmik
taajorneqartoq. Taamaalillunilu sulisoq nunani allaneersoq nunami maani
inunngorsimasinnaallunilu peroriartorsimasinnaassaaq.

Aammattaaq siunnersorti eqqartorneqartillugu tamatumani pineqarpoq inuk suliamik
aalajangersimasumik ingerlatsinissaq siunertaralugu piffissami sivikinnerusumi

sivisunerusumiluunniit suliaqarnerminut akilersorneqartoq. Siunnersorti namminersorluni inuussutissarsiuteqartuusinnaavoq imaluunniit sulisartuulluni.

Apeqqut 1-imut akissut:

Namminersorlutik Oqartussat siunnersortinik atuinerat aammalu taakku nunaqavissutut avataaneersutullu agguataarneqarnerat eqqarsaatigalugu ajoraluartumik paasissutissiissutigineqassaaq akissutinik eqqortumik tikkuussillutik tutsuiginartunik maannakkorpiaq peqanngimmat. Apeqquteqarnissamut atatillugu apeqquserneqartariaqartut annertuallaarput.

Taama nalornissuteqarneq arlalinnik tunngaveqarpoq.

Siullermik Namminersorlutik Oqartussani aningaasaqarnermik aqutseriaatsimi XAL-imi akiligassalinnut periutsimi paasissutissat tamarmik pigineqanngillat. Akiligassalinnut periutsimi siunnersortit akissarsialerinermi periutsimi nalunaarsorneqartut namminersorlutik suliffiuteqartutut nalunaarsorneqarneq ajorput. Aappaatut qulequttami »Danskiteqarsuisut« ataanni periutsimi nalunaarsorneqarlutik pilersuisut arlallit tassaanerupput nuntsinni suliffeqarfini sulisut, taamaattorli Danmarkimi nunaniluunniit tamalaani suliffeqarfinnut attuumassutillit. Pingajuattut siunnersortit Danmarkimi CVR-normulinnut attuumassuteqartunut nunatsinnili immikkoortortaqtartunut attuumassutillit nunanit allaneersutut kukkusumik nalunaarsorneqarsinnaapput, tamatumani siunnersorti avataaneersaq najukkaminik nalinginnaasumilluunniit suliffimmini sumiiffeqartutut nalunaarsorneqarunik.

Namminersorlutilli Oqartussani kommuninilu aningaasaqarnikkut periutsimik nutaamik atuutsitsilernermit atatillugu paasissutissat kissaatigineqartut siunissami pissarsiarineqarsinnaalissasut neriuutigineqarpoq periuseq tamakkiisumik atuutsinneqaleriarpat. Tamatuma peqatigisaanik pisortat ataatsimoorlutik pilersaarutaat atuutilerpat tamanna ilaatigut Namminersorlutik Oqartussat pisiortornerata erseqqinnerusumik pitsaanerusumillu nalunaarsorneqarnissaanut periarfissaqalissaaq. Aallarinsaanissarli aallarnisaanermilu ajornartorsiutit qarasaasiatigut atortulersuutinik nutaanik pilersitsinermut atatillugu pinngortartut eqqarsaatigalugit kontonut nalunaarsueriaatsip nutaap tamakkiisumik atorluarneqarsinnaasup atuutilernissaanut piffissaq ingerlasussaq oqaatigissallugu siusippallaarpoq.

2. Ingerlatseqatigiiffiit Namminersorlutik Oqartussanik tamakkiisumik ilaannakortumillu piginneqataaffigineqartut tamarmiusut katillugit aningaasat qassit suliffeqarfiup avataaniit siunnersorneqarneranut atortarpaat?

i. Aningaasat taakku atorineqartut qassit Nunatsinni angerlarsimaffeqartunut siunnersortinut atorineqarpat? Qassillu Nunatta avataani angerlarsimaffeqartunut siunnersortinut atorineqarpat?

Apeqquut 2.i-mut akissut:

Air Greenland piffissaq akissuteqarfiusussaq naatinnagu akissuteqarsimanngitsoq eqqaassanngikkaanni kisitsisini matuma kingulianiittuni paasissutissat suliffeqarfinni Namminersorlutik Oqartussanit tamakkiisumik ilaannakortumilluunniit pigineqartunersuupput. Paasissutissanik tigusaqartoqassappat kingusinnerusukkut nassiunneqassapput.

Ingerlatseqatigiiffiit avataatigut siunnersortigut katillugit atorneqartarput 61.780.281 kr. Aningaasani taakkunani immikkoortinneqarput siunnersortinut nunatsinneersunut 22.451.180 kr.-it aammalu siunnersortinut avataaneersunut 39.329.101 kr.-it.

Siuliani aallarniutigalugu oqaatigineqartut aamma innersuussutigineqarput.

- ii. Paasissutissat taakku ataatsimoortillugit saqqummiunneqarnissaat kissaatigaara, taamaalilluni inuit ataasiakkaat inuilluunniit ataatsimoortut aningaasarsiaat pillugit paasissutissat, suliffeqarfiilluataatsip arlallilluunniit niuerfinni unammillernerannikajoquusiinnaanerannik utoqqatsissutissarsiortoqarani saqqummiunneqarsinnaassammata.**

Apeqquut 2.ii-mut akissut:

Tamanna pereerpoq.

- 3. Taamatuttaaq Namminersornersorlutik Oqartussat qassinik nunani allani angerlarsimaffeqartunik nunatta avataani atorfeqartitsinersut, aningaasallu qanoq annertutigisut taakkununnga akissarsiaritinneqartarnersut pillugit paasissutissat tamakkiisut kingusinnerusukkut naalakkersuisoqarfikkuutaartumik saqqummersillugit nassiukkumaneqartut qilanaarlunga utaqqissavakka.**


Apeqquut 3-mut akissut:

Nunap killeqarfiata avataani najugaqarlutik sulisorineqartut pillugit misissuineq Naalakkersuisut Siulittaasuata Naalakkersuisoqarfiata Aningaasaqarnermut Sulisoqarnermullu Aqutsisoqarfik suleqatigalugu Naalakkersuisut sinnerlugit ingerlappaa. Sulisut tamaasa nunani allani, pingaartumillu Danmarkimi isumaqatigiissutit malillugit sulisut pillugit paasissutissat pissarsiarineqarput.

Apeqqutigineqartut naalakkersuisoqarfinnit tamanit akissuteqarfigineqarput

nalunaarsorneqartullu takutipaat Namminersorlutik Oqartussat suliassat ingerlanneqarnissaannut »sulisut nunanit allaneersut« suliaqartissimagaat. Inunnit 58-iusunit taakkunani pingasut tjenestemanditut atorfeqarput, pingasut immikkut ilaannakortumit akissarsiaqartinneqarput sinnerilu 52-it isumaqatigiissutit malillugit atorfeqartinneqarlutik.

Kalaallit peqqissartut najugaqarfianni, Kalaallit Nunaata Bruxellesimi aallartitaqarfiani aammalu Kalaallit Nunaata Washingtonimi aallartitaqarfiani sulisut ilanngunneqanngillat. Kalaallit Nunaata K benhavnimi aallartitaqarfiani sulisut Naalackersuisoqarfimmit imaluunniit Nummi aqutsisoqarfimmit toqqaannartumik atorfeqartinneqartut ilaatinneqarput.



Aatsitassat	2
Ilaqutariinneq	4
Ilinniartitaaneq	15
Avatangiisit	9
Aalisarneq	3
Aningaasaqarneq Akileraartarnerlu	13
Siulittaasoq	0
Inuussutissarsiorneq	1
Nunanut allanut tunngasut	1
Peqqissuseq	6
Ineqarneq	4

»Sulisunut avataaneersunut« aningaasarsiatigut aningaasartuutit qaammammut 2,1 aamma 2,2 mio. kr.-iusut Naalackersuisunit paasissutissiissutigineqarsinnaavoq, tak. Naalackersuisoqarfinni tamani aningaasarsianut nalunaarsuiffik ilanngunneqartoq. Sulisorisanit 58-iusunit inuit sisamat aningaasarsiaat pillugit paasissutissat piffissaliunneqartup iluani pissarsiarineqarsinnaasimangillat.

i. Apeqqu tigerusunnarporli novemberip ulluisa aallaqqaataani Naalakkersuisumit akissuteqaatigineqartumi kalaallisuuani allaqqammat atorfinnut 108-sunut katillugu aningaasarsiat 34,2 kr.-iusut allaqqammat, tamanna ilumorsinnaanerpa?

Apeqqu 3.i-mut akissut:

Aap, siusinnerusukkut paasissutissiissutigineqareersutut sulisut 108-t 34,2 mio. kr.-inik aningaasarsiaqarput. Tamanna sulisup ataatsip ukiumoortumik agguaqatigiissillugu 317.000 kr.-it missaannik aningaasarsiaqarneranut naapertuuppoq. Agguaqatigiissitsinerli tamanna ilaatigut Royal Greenland A/S-ip suliffeqarfiup avataani sulisorisaanut aningaasarsiarititat pillugit paasissutissat nutaat malillugit appariartinneqarpoq, tak. Apeqqu 4-mut akissummi matuma kingulianiittumi kitsit nutaaq. Royal Greenlandimi sulisup agguaqatigiissillugu aningaasarsiai ingerlatseqatigiiffinni sulisunit appasinnerupput, taakku § 37 naapertorlugu apeqqu mmut siullermut akissummut atatillugu paasissutissanik nassiussisimallutik, tassalu sulisorisat 108-sut katillugit 34,2 mio. kr.-inik aningaasarsiaqarput. Taamaattumillu apeqqu 4-mut akissummi matuma kingulianiittumi takuneqarsinnaasutut agguaqatigiissillugu aningaasarsiat 281.809,5 kr.-inut appariaateqarput.

4. Aammaarlunga kissaatigissavara ingerlatseqatigiiffiit Namminersorlutik Oqartussanik tamakkiisumik ilaannakortumillu piginneqataaffigineqartut tamarmiusut katillugu qassinik nunani allani angerlarsimaffeqartunik nunatta avataani atorfeqartitsinersut, aningaasallu qanoq annertutigisut taakkununga akissarsiaritinneqartarnersut.

Apeqqu 4-mut akissut:

Ingerlatseqatigiiffinnut allattoqarfik akissuteqarnissamut paasissutissanik pissarsivoq. Paasissutissat tiguneqartut malillugit Kalaallit Nunaata avataani atorfillit katillugit 1.852-pput aammalu katillugit 521.910.860 kr. aningaasarsiaqarlutik. Agguaqatigiissillugu sulisumut ataatsimut 281.809,5 kr.-it. Kisitsisit taaneqartut tamakkiisumik takutitsisuunngillat, tassa KNI A/S aamma Tele Greenland A/S-imi aningaasarsiaritinneqartut paasissutissiissutigineqanngimmata. Ingerlatseqatigiiffinnut allattoqarfik malillugu ingerlatseqatigiiffiit taaneqartut marluk Kalaallit Nunaata avataani taamaallaat katillugit qulit sulisoraat, tamannalu aningaasarsianut tamarmiusunut agguaqatigiissitsinermulluunniit annertunerusumik sunniteqartussatut isigineqarnani.

- i. Paasissutissat taakku ataatsimoortillugit saqqummiunneqarnissaat kissaatigaara, taamaalilluni inuit ataasiakkaat inuilluunniit ataatsimoortut aningaasarsiaat pillugit paasissutissat, suliffeqarfiillu ataatsip arlallilluunniit niuerfinni unammillernerannik ajoquusiisinaanerannik utoqqatsissutissarsiorto-qarani saqqummiunneqarsinnaassammata.**

Apeqquut 4.i-mut akissut:

Tamanna pereerpoq.

Inussiarnersumik inuulluaqqusillunga

Med venlig hilsen

Aqqaluaq B. Egede